





門 517  
4



名醫類案卷之四

明新都篁南江瓘集

長子應元校正

次子應宿述補

癰亂

江篁南治從叔於七月間得癰亂證吐瀉轉筋足冷多汗  
囊縮一醫以傷寒治之增劇江診之左右寸關皆伏不  
應尺部極微口渴欲飲冷水乃以五苓散與之覺稍定  
向午猶渴以五苓加麥冬五味子滑石投之更以黃連  
香薷飲冷進一服次早脉稍出按之無根人脫形且吃  
忒手足厥冷飲食不入入則吐太便秘稍不禁為灸子曰



八九壯囊縮精奇手足稍溫繼以理中湯二三服渴猶甚咽疼熱不解時或昏沈乃以竹葉石膏湯投之而愈江應宿治一婦人六月中旬病癰亂吐瀉轉筋一醫投麝香正氣散加煩燥面赤揭衣卧地予診視脈虛無力身熱引飲此得之傷暑宜辛甘大寒之劑瀉其火熱以五苓散加滑石石膏吐瀉定再與桂苓甘露飲而愈一僕夫燕京人縱酒飲食無節病癰亂吐瀉轉筋煩渴幾殆時六七月淋雨晝夜飲營溜水數升而愈千金方云輕者水差此偶合古方予目擊其事後路途中及六合縣見一人服新汲井苓水飲之良愈一人病癰亂欲吐不吐欲瀉不瀉心腹絞痛脈之沉伏如

無此乾癰亂也急令鹽湯探吐宿食痰涎碗許遂瀉與六和湯而愈





東垣治一人一日大便三四次澹而不多有時作瀉腹中  
鳴小便黃以黃芪柴胡歸身益智陳皮各三分升麻六  
分炙甘草二錢紅苓少許作一服名曰黃芪補胃湯水  
二盞煎一盞稍熱服食前服之

一入五更初曉時必澹泄一次此名腎泄以五味子二兩  
吳萸半兩用細粒綠色者一味炒香熟為度細末之每  
服二錢陳米飲下數服而愈內經曰腎者胃之關也關  
門不利故聚水而生病也

東垣云予病脾胃久衰視聽半失此陰盛乘陽加之氣短  
精神不足此由弦脉令虛多言之過陽氣衰弱不能舒

伸伏匿於陰中耳又值淫雨陰寒時人多病泄利此濕  
多成五泄故也一日體重腹痛大便泄并下者三而小  
便秘瀯思其治法按經云大小便不利無問標本先分  
利之又云治濕不利小便非其治也皆當利其小便必  
用淡味滲泄之劑利之是其法也噫聖人之法雖布在  
方冊其不盡者可以求責耳今客邪寒濕之淫從外而  
入裏以暴加之若從已上法度用淡滲之劑病雖即已  
是降之又降是益其陰而重竭其陽是陽愈削而精神  
愈短矣是陰重強而陽重衰反助其邪也故必用升陽  
風藥以羌活柴胡升麻各一錢防風根截半錢炙甘草  
根截半錢煎稍熱服木法云寒濕之勝助風以平之又



曰下者舉之得陽氣升騰而去矣又云客者除之是因  
而為之直也夫聖人之法可以類推舉一而知百也  
若不達升降浮沈之理而槩施治其愈者幸也

子和治一人瀉利不止如傾眾以為寒治近二十載脈之  
兩寸皆滑子和不以為寒所以寒者水也以茶調散湧  
寒水五七升又以無憂散瀉水數十行次以淡劑利水  
道後愈此通因通用法也

一僧藏腑不調三年不愈此洞瀉也以謀慮不決而致肝  
主謀慮甚則乘脾脾濕下行乃上涌痰半盆又以舟車  
丸潛川散下數行仍使澡浴出汗自是日勝一日又常  
以胃風湯白朮散調之

郝允治夏英公病泄太醫皆為中虛郝曰風客於胃則泄  
殆藁本湯證也夏駭曰吾服金石等藥無數泄不止其  
敢飲藁本乎郝強進之泄止 邵氏聞見錄

丹溪治一老人右手風攣多年九月內患泄瀉百藥不効  
右手脈浮大洪數此太陰經有積痰肺氣壅遏不能下  
降太腸虛而作瀉當治上焦用蘿蔔子搗和漿水蜜探  
之而吐大塊眼痰碗許隨安

一富兒面黃善煖易飢非肉不食泄瀉一月脈大以為濕  
熱當脾困而食少今反形健而多食不渴此必疳蟲也  
驗其大便果有蛻令其治蟲而愈至次年夏初復瀉不  
痛而口乾朱曰昔治蟲而不治疳故也以去疳熱之藥



白木湯下三日而愈後用白木為君芍藥為臣川芎陳皮黃連胡黃連入薑膏為丸白木湯下禁肉與甜瓜防其再舉

一老人味厚傷脾常脾泄芍藥酒炒一兩白木炒二兩神曲一兩山查一兩五錢黃芩五錢炒半夏一兩湯泡為采荷葉飯丸

一老人稟厚形瘦夏末患泄瀉至秋深治不愈神不悴溺澁少不赤脈澁頗弦膈微悶食減因悟曰必多年沈積滯在腸胃詢之嗜鯉魚三年無一日缺朱曰此痰積在肺肺為大腸之藏宜太腸之不固也當澄其源而流自清以茱萸陳皮青葱薤首根生薑濃煎和砂糖飲一匙

探吐痰半升如膠利減半次早又飲之又吐半升利止與平胃散加白木黃連調理旬日而安

一人性狡燥素患下痢瘡或作或止夏初患自利膈微悶醫與理中湯悶厥而甦脈瀼重取略弦而數朱曰此下痢之深重者與當歸龍會丸去射四貼而利減又與小柴胡去半夏加黃連白芍川芎生薑數貼而愈

一人暴氣脫而虛頓渴不知人口眼俱閉呼吸甚微殆欲死急灸氣海飲人參膏十餘片而愈

呂滄洲治一人病下利完穀眾醫咸謂洞泄寒中日服四逆理中藥彌劇診其脈兩尺俱弦長右關浮於左關一倍其目外皆如草滋蓋知肝風侮脾因成飧泄非藏寒



所致飲以小續命湯減麻黃加白朮三五升劑止續命  
非止痢藥飲不終劑而痢止者以從本治故也

一夫人病癩泄彌年醫以休息利治之苦堅辛燥之劑弗  
效時穉半脉雙弦而浮曰夫人之病蓋病驚風非飲食  
勞倦所致也肝主驚故虛風自甚因乘脾而成泄今金  
正隆尚爾至明春則病將益加法當平木之太過扶土  
之不及而泄自止夫人曰儂寓南閩時平章燕公以銅  
符靈授因失心懼由是疾作公言信然以黃犢牛肝和  
以攻風健脾之劑服之踰月泄止

滑伯仁治一人暑月患中滿泄瀉小便赤四肢疲困不欲  
舉自汗微熱口渴且素羸瘠眾醫以虛勞將峻補之伯

仁診視六脉虛微曰此東垣所謂夏月中暑飲食勞倦  
法宜服清暑益氣湯投三劑而病如失

項彥章治南臺治書郭公久患泄瀉惡寒見風輒仆且臥  
密室以氈蒙其首熾炭助之出語呶呶如嬰兒諸醫作  
沈寒痼冷治屢進丹附不時驗項診其脉告曰此脾伏  
火邪濕熱下流非寒也法當升陽散火以逐其濕熱乃  
黃升麻澤瀉柴胡羌活等劑而繼以神芎丸郭曰予苦  
久泄今復利之恐非治也項曰公之六脉浮濡而弱且  
微數濡者濕也數者脾有伏火也病由濕熱而且加之  
以熱劑非苦寒逐之不可法曰通因通用吾有所試矣  
頃之利如木屑者三四出即去氈及炭病旋已



黃子厚治一富翁病泄瀉彌年禮致子厚診療浹旬不効  
子厚曰予未得其說求歸一日讀易至乾卦天行健朱  
子有曰天之氣運行不息故閣得地在中間如人弄枕  
珠只運動不住故在空中不墜少有息則墜矣因悟向  
者富翁之病乃氣不能舉為下脫也又作字持水滴吸  
水初以太指按滴上竅則水滴筒放之則水下溜無餘  
乃豁然悟曰吾能治翁症矣即往至則為治艾灸百會  
穴未三四十壯而泄瀉止矣

虞恒德治一人泄瀉日夜無度諸藥不効偶得一方用針  
沙地龍猪苓三味共為細末生葱搗汁調方七貼臍上  
小便長而瀉止

一人吐瀉三日垂死為灸天樞氣海二穴立止

石山治一人於幼時誤服毒藥泄痢復傷食腹痛太泄不  
正今雖能食不作肌膚每至六七月遇服毒之時痛泄  
復作善饑多食胃膈似冷夜間發熱嘗卧懶語聞淫慾  
言盜汗陽舉心動驚悸喉中有痰小便不利太便或結  
或滯過食則嘔吐瀉泄脉皆濡弱而緩右脉略大猶覺  
弱也次日左脉三五不調或一二三至緩三五至駛右脉  
如舊緩弱左脉不調者必欲動挫其精也右脉緩弱者  
由於毒藥損其脾也理宜固腎養脾遂以人參白朮茯  
苓芍藥黃芪麥冬各一錢歸身澤瀉各八分黃柏知母  
山查各七分煎服旬餘而安



一人年五十餘形色蒼古五月間與人爭辨鼠兩勞役受  
饑且有內事夜半忽病發熱惡食上吐下瀉昏悶煩燥  
頭身俱痛因自發汗汗遂不止遣書云脉皆洪數汪曰  
脉果洪數乃危症也蓋吐瀉內虛汗多表虛兼之脉不  
爲汗衰亦不爲瀉減在法不治但古人云治而不活者  
有矣未有不治而活者今用參芪各五錢白朮乾薑各  
七分甘草五分茯苓一錢陳皮五分水煎不時服至七  
八點則見紅斑四肢尤甚面赤身及四肢脹悶告急於  
汪汪曰斑症自吐瀉者多吉謂邪從上下出也但傷寒  
發斑胃熱所致今發斑由胃虛而無根之火遊行於外  
也可補不可泄可溫不可涼若用化斑湯升麻玄參之

類則死生反掌矣仍令守前方服十餘點諸症悉減斑  
則成瘡肢腫亦消而愈

一孩孟秋泄瀉晝夜十數度醫用五苓散香薷飲胃苓湯  
加肉蔻罔効汪曰此兒形色嬌嫩外邪易入且精神倦  
怠明是胃氣不足而爲暑熱所中胃虛挾暑安能分別  
水谷今專治暑而不補胃則胃愈虛邪亦着而不出經  
曰壯者氣行則愈怯者着而成病是也令濃煎人參湯  
飲之初服三四匙精神稍回再服半盞泄瀉稍減由是  
繼服數次乳進而病愈

虞雍公拜甫紹興間自渠州守召至行在懋北郭外接待  
院因道中冒暑得泄痢連月重九夢至一處類神仙居



一人披服如仙官延之坐視壁間有韻語藥方一紙讀  
三數遍其詞曰暑毒在脾濕氣連脚不瀉則痢不痢則  
瘡獨味雄黃蒸餅和藥甘草作湯服之安樂別作治瘡  
醫家大錯楚回尚能記即錄之蓋治暑泄方也如方服  
遂愈

乾道中江西有一士人赴調都下遊西湖民間一女子明  
艷動人求之於其父母重幣不納歸家不復相聞又五  
年赴調尋游茫然無所覩悵然空還忽遇女子於中途  
呼揖問訊士甚喜扣其徙之由女曰我父適人夫坐庫  
事擊獄未解子能過我茶否士依然並行過旅館女曰  
此可棲止無庸至吾家留半歲將欲挾以偕遊女始歛

社曰向自君去憶念之苦感疾而士今非人也無由陪  
後乘但陰氣侵君深當暴瀉宜服平胃散補安精血士  
聞語驚恍曰藥味皆平何得功效女曰中用蒼朮去邪  
氣乃為上品出夷堅志

有人每日早起須大瀉一行或時腹痛或不痛空心服熱  
藥亦無效後一醫者察之令於晚食前更進熱藥遂安  
如此常服竟無恙蓋暖藥雖平且空腹至晚藥已過一  
夜陰氣何以敵之於晚間再進熱藥則一夜暖藥在腹  
遂可以勝陰氣凡治冷疾皆如此例

有人久患泄瀉以煖藥補脾及分利小水百法治之不愈  
醫診之心脉獨弱以益心氣藥補脾藥服之遂愈蓋心



火也脾土也火生土脾之旺賴火燥之心氣不足則火不燥脾土受濕故令泄瀉今益心補脾而又能去濕豈存不効者

有人患泄瀉作冷作積作心氣不足治之及服硫黃附子甚多皆不効因服火枚丸而愈此腸胃有風冷也胃氣兼煖藥亦佳

有人患脾泄諸治不差服太山老李灸肝散而愈乃白芷白朮白芍桔梗四味也出醫餘

歐陽文忠公嘗患暴下國醫不能愈夫人云市人有此藥三文一貼甚効公曰吾輩藏府與市人不同不可服夫人使以國醫藥雜進之一服而愈召賣者厚遺之求其

方但用車前子一味爲末米飲下二錢匕云此藥利水道不動氣水道利清濁分穀臟自止矣出良方

一男子夜數如廁或教以生薑一兩碎之半夏湯洗與大棗各三十枚水一升薤白中慢火燒爲熟水時時呷之數日便愈蓋半夏令人惟知去痰但不言益脾蓋能分水故也脾惡濕濕則濡而困困則不能制水經曰濕勝則濡是也

程明祐治一人下泄勺水粒米不納服湯藥卽嘔程診之曰病得之飲酒脾惡濕湯藥滋濕矣以參苓白朮和粳米爲糕食之病旋已所以知其人濕得之飲酒過多切其脉濡緩而弱脾傷於濕也



薛立齋治進士劉華甫停食腹痛泄黃吐痰服二陳山施  
黃連枳實之類其症益甚左關弦緊右關弦長乃肝木  
尅脾土用六君加木香治之而愈泄食已消而若未已  
宜用異功散以補脾胃如不應補中益氣升發陽氣  
凡泄痢色黃脾土虧損真氣下陷必用前湯加木香  
薤二補如不應當補其母宜八味丸

光祿柴黼庵善飲泄瀉腹脹吐痰作嘔口乾此脾胃之氣  
虛先用六君加神曲痰嘔已止再用補中益氣加茯苓  
半夏瀉脹亦愈此症若濕熱壅滯當用葛花解醒湯分  
利其濕濕既去而瀉未已須用六君加神曲實脾土化  
酒積然雖因酒而作實緣脾土虛弱不可專主濕熱

錢可久素善飲面赤痰盛大便不實此腸胃濕痰壅滯用  
二陳苓連山梔子枳實乾葛澤瀉升麻一劑吐痰甚多  
大便始實此後日以黃連三錢泡湯飲之而安但如此  
稟厚不多耳

薛已治一儒者善飲便滑溺瀦食減胃滿腿足漸腫症屬  
脾腎虛寒用加減金匱腎氣丸食進腫消更用八味丸  
腎強脾健而愈

一儒士停食泄瀉自用四苓黃連枳實麴蘖益甚薛曰此  
脾腎泄也當用六君加薑桂送四神丸不信又用沈香  
化氣丸一服臥床咳則糞出幾至危殆終踐薛言愈蓋  
化氣之劑峻厲猛烈無經不傷無臟不損豈宜輕服



一人年六十面帶赤色吐痰口乾或時作瀉春就診謂薛  
曰僕之症或以爲脾經濕熱痰火作瀉率用二陳黃連  
枳實神曲麥芽白朮柴胡之類不應何也薛脈之左關  
弦緊腎水不能生肝木也右關弦大肝木乘脾土也此  
乃脾腎虧損不能生尅制化當滋化源不信薛謂其甥  
朱太守陽山曰冷鼻不久當殞於痢次年夏果患痢而  
歿

長洲朱紹惠肝木尅脾土面赤生風大臟燥結炎火衝上  
久之遂致臟毒下血腸鳴澹瀉腹脹喘急馴至絕穀頻  
殆諸醫方以枳實黃連之劑投之展轉增劇薛診之曰  
此脾腎兩虛內真寒而外虛熱法當溫補遂以人參白

朮爲君山藥黃芪肉蓯蓉附爲臣茱萸骨脂五味歸苓  
爲佐治十劑俾以次服諸醫皆曰此火病也以火濟火  
可乎服之液向盡劑而血止諸疾遄已先是三年前先  
生過紹謂曰爾面部赤風脾胃病也不治將深紹愈緩  
以須疾發又惑於衆論幾至不救

羅山人治王厚宇一婢年三十餘長夏患泄瀉身涼四肢  
厥冷晝夜數次皆完穀不化清水如注飲食下咽卽泄  
出不變已經六七日一醫用藥不効謂腸直症在不治  
請羅視之六脈沈伏無力而澁乃脾虛受濕爲肝木所  
乘乃五泄之一非怪證也法當健脾踈風燥濕升提其  
下陷之氣以五苓散加蒼朮羌活防風炮薑半夏厚朴



方藥一服十去七八再以二陳加二朮砂仁白芍厚朴  
麴蘖調理數劑而安

程仁甫治一婦人七十歲清閑厚味六月患吐瀉腹痛口  
渴倦怠三日夜不止先醫用藿香正氣散不効程診六  
脉滑數不勻曰暑令西照受熱明矣吐瀉三日夜脾胃  
傷矣用六君去甘草加麥芽山查薑連藿香烏梅煎熟  
徐徐服之再用香連丸頓止

江篁南治一人病瀉困倦留滿脹江切其脉告曰此寒涼  
傷脾胃也以四君加陳皮香附山查枳實薑棗蓮實數  
劑而安病者曰某嘗夏秋患滯下已而作瀉腹痛醫以  
茱萸補骨脂作丸服三四兩不效更醫以三黃丸服過

五兩食減又更一醫以菊花苓連等藥投之十日作七  
八度遂病如是所以知其人脾胃傷者六脉浮大而右  
關尤甚也

江應宿治余氏僕年十七歲五月初患泄瀉至六月骨瘦  
如柴粒米不入者五日矣將就木診其脉沈細濡弱而  
緩告其主曰濕傷脾病也用四苓散加參朮各三錢不  
效劑而索粥三劑而愈

黃水部新陽公患脾腎泄十餘年五鼓初必腹痛數如廁  
至辰刻共四度已半腹微痛而泄凡七八度日以爲常  
食少倦怠嗜甘診得右關滑數左尺微弦無力此腎虛  
而脾中有積熱病也投黃連枳朮丸腹痛除漸至天明



而起更與四神丸八味丸滋其化源半年飲食倍進而  
冊愈矣

*[Faint bleed-through text from the reverse side of the page]*

列

唐貞觀中張寶藏為金吾長上掌因下直歸櫟陽路逢少年  
斫獵割鮮野食倚樹嘆曰張寶藏身年七十未嘗得一  
食酒肉如此者可悲哉傍有僧指曰六十日內官登  
三品何足嘆也言訖不見寶藏異之即時還京師太宗  
苦氣痢諸治不効即下詔問殿廷左右有能治者重賞  
之寶藏曾困其疾即具疏以乳煎葦撥方上服之立差  
宣下宰臣與三品官魏徵難之逾月不進擬上疾復發  
問左右曰吾前飲乳煎葦撥有功復命進之一啜又平  
因思曰嘗令進方人五品官不見除授何也徵懼曰奉  
詔之際未知文武二吏上怒曰治得宰相不効已授三



品官我天子也豈不及汝耶乃厲聲曰與三品文官授  
鴻臚寺卿時正六十日矣其方每服用半乳半升單撥  
三錢匕同煎減半空腹頓服出獨異志

東垣治一老僕面塵脫色神氣特弱病脫肛日久服藥未  
効復下赤白膿痢作裏急後重白多赤少不任其苦求  
浴曰此非肉食膏粱必多蔬食或飲食不節天氣雖寒  
衣蓋猶薄不禁而腸頭脫下者寒也真氣不禁形質不  
取乃血滑脫也此乃寒滑氣泄不固故形質下脫也當  
以澁去其脫而除其滑微醋之味固氣上收以太熱之  
劑而除寒水陽以補氣之藥升陽益氣用御米殼去蒂  
葶蜜炒橘皮已上各五分乾薑炮六分訶子煨去核七

分爲細末都作一服水二盞煎減半空心熱服

一人腸澼下血另作一法其血唧出有力而遠射四散如  
篩春中血下行腹中大作痛乃陽明氣衝熱毒所作也  
當升陽去濕熱和血脉以陳皮二分熟地歸身蒼朮秦  
光桂各三分生地丹皮生甘草各五分升麻七分炙甘  
草黃芪各一錢白芍一錢五分名曰升陽去熱和血湯  
作一服水四盞煎至一盞空心稍熱服

一人腸澼下血色紫黑腹中痛腹皮惡寒右關弦按之無  
力而喜熱物熨之內寒明矣以肉桂一分桂枝四分丹  
皮柴胡葛根益智仁半夏各五分歸身炙甘草黃芪升  
麻各一錢白芍一錢半乾薑少許名曰益智和中湯都



作一服水三盞煎至一盞溫服

一人太陰陽明腹痛大便常泄若不泄即秘而難見在後傳作濕熱毒下鮮紅血腹中微痛脇下急縮脈緩而洪弦中之下得之按之牢虛以蘇木一分藁李益智各二分熟地炙甘草二分當歸身四分升麻柴胡各五分名曰和中益胃湯作一服空心溫服

一人因傷冷飯水泄一夜十數行變作白痢次日其痢赤白腹中疼痛減食熱躁四肢沉困無力以生黃芩三分當歸身四分肉桂炙甘草各五分猪苓茯苓各六分澤瀉一錢白芍一錢半蒼朮生薑升麻柴胡各二錢分作二服食前稍熱服

海藏治楊師三朝三大醉至醒發大渴飲冷水三巨杯次又飲冰茶三碗後病便鮮血四次約一盞先以吳茱萸丸翌日又與平胃五苓各半散三服血止復白痢又與神應丸四服白痢乃止其安如初或曰何為不用黃連之類以解毒所用者溫熱之劑海藏曰若用寒涼其疾大變難療寒毒內傷復用寒藥非其治也况血為寒所凝浸入腸間而便下得溫乃行所以用溫熱其血自止經曰治病必先求其本此之謂也胃既溫其血不凝而自行各守其鄉也

衍義云有一男子暑月患血痢醫妄以涼藥逆治專用黃連阿膠木香治之此藥始感便治則可今病久腸虛理



不可服。踰旬幾至委頓。故曰理當別藥。知是論之誠在醫之通變矣。循經則萬無一失。引此爲例。餘皆倣此。暑月久血痢不用黃連。陰在內也。

宋孝宗嘗患痢。眾醫不効。德壽憂之。適青宮偶見小藥肆。遣使問其能治痢否。對曰專科。遂宣之。請得病之由。語以食胡蟹多。故致此疾。遂令診脈。曰此冷痢也。遂進一方。用蓮藕一味。不拘多少。取新採者爲佳。細搗取汁。以熱酒調服。搗時用金柈白酒調服數次。而愈。德壽大喜。就以金柈白賜之。仍命擢醫官。人呼爲金柈白。嚴防禦家云。仇遠押史

叅政陸公容嘗於客座間一醫者云酒不宜冷飲。陸頗訝

之。謂其未知丹溪之論而云然耳。二三年後秋間陸偶得痢疾。延此醫治之。云公得非多飲冷酒乎。陸以實告。謂信丹溪之論。暑月常飲冷醇酒。醫云丹溪但知熱酒之爲害。而不知冷酒之爲害尤甚也。服藥數劑而止。

羅謙甫治廉臺王千戶。年四十五。領兵鎮漣水。此地卑濕。因勞役過度。飲食失節。至秋深瘡痢並作。月餘不愈。飲食全減。形羸瘦。仲冬輿疾歸。羅診得脈弦而微。如蛛絲。身體沈重。手足寒逆。時復麻痺。皮膚痂疥。如癩之狀。無力以動。心腹痞滿。嘔逆不止。此皆寒濕爲病。久淹真氣。衰弱形氣不足。病氣亦不足。鍼經云陰陽皆不足。鍼所不爲。灸之不宜。內經曰損者益之。勞者溫之。十劑云補。



可去弱先以理中湯加附子溫養脾胃散寒濕滋可去  
脫養臟湯加附子固腸胃止瀉痢仍灸諸穴以併除之  
經云府會太倉即中脘也先灸五七壯以溫養脾胃之  
氣進美飲食次灸氣海百壯生發元氣以榮百脉充實  
肌肉復灸足三里胃之合也三七壯引陽氣下交陰分  
亦助胃氣後灸陽輔二七壯接續陽氣令足脛溫緩散  
清濕之邪迨月餘病氣去神完如初

有人患痢赤白兼下或純白純赤百藥不愈者病久服藥  
已多治痢多用毒藥攻擊致臟氣不和所以難愈中載  
之用輕清和氣藥與之遂愈屢試有驗其方用罌粟殼  
蜜炙人參白朮茯苓甘草黃芪等分為細末二

錢水一盞生薑棗烏梅半箇煎八分溫不拘時

憲宗賜馬總制瀉痢腹痛方以生薑和皮切碎如粟米用  
水一大盞并芽茶相等煎服之元祐二年文潞公得此  
疾百藥不効用此方而愈

丹溪治一小兒八歲下痢純血以食積用蒼朮黃芩白芍  
滑石茯苓甘草陳皮神曲煎湯下保和丸

一人患痢後甚逼迫正合承氣症朱曰氣口脉虛形雖實  
而面黃稍白必平昔過飽胃傷遂與參朮陳皮芍藥等  
補藥十餘貼三日後胃氣稍完與承氣湯二貼而安若  
不先補雖愈未免瘦瘠

一人患痢善食易饑朱曰當調補自養豈可恣味哉賊令



用熟蘿蔔與粥調理而安

一人患痢久不愈，脈沈細，弦促，右為甚，日夜數十行，下清涕，有紫黑血絲，食少。朱曰：此瘀血痢也。凡飽食後疾走，或極力叫號，跌多受疼，痛大怒不泄，補塞太過，火酒火肉皆致此病。此人以非罪受責，故也。乃以乳香沒藥、桃仁、滑石佐以木香、檳榔、神曲糊丸，米飲下百丸，再服大下穢物，如爛魚腸二三升，愈。此方每用之，不加木黃則難下。

一老人面白，脈弦數，獨胃脈沈滑，因飲白酒作痢，下淡水膿血，腹痛，小便不利，裏急後重。參朮為君，甘草滑石、檳榔、木香、蒼朮為佐，使煎湯下保和丸三十粒，次日前證

俱減，獨小便未利，以益元散服之而愈。

一人飲水過多，腹脹瀉痢帶白，用蒼朮、白朮、厚朴、茯苓、滑石煎湯下保和丸。

一人年踰五十，夏間患痢，腹微痛，所下褐色，後重頻，併食減，或微熱，脈弦而澁，似數且稍長，喜不浮，大兩手相等，神氣大減。朱曰：此憂慮所致，心血虧，脾氣弱耳。以參朮為君，歸身、陳皮為臣，川芎、白朮炒茯苓為佐，使時煖熱，甚少加黃連二日而安。

一壯年奉養厚，夏秋患痢，腹大痛，或令單煮乾薑與一貼，痛定屢痛屢服之而定。八日服乾薑三斤，左脈弦而稍大，似數，右脈弦而大稍減，亦似數，重取似緊。朱曰：必醉



飽後食寒涼太多當作虛寒治之因服乾薑多以四物  
去地黃加參朮陳皮酒紅花茯苓桃仁煎入薑汁飲之  
一月而安

一婦年近四十秋初尚熱患痢腹痛夜重於日全不得  
卧食減口乾不飲已得靈砂二貼矣兩手脈皆濡且不  
勻備甚飲食全減用四物湯倍加白朮為君陳皮佐之  
十貼愈以上三症乃大虛寒者若因其逼迫而用峻劑  
豈不誤哉

一人年五十質弱多怒暑月因怒後患痢口渴自飲蜜水  
病緩數日後脈稍大不數令以參朮湯調益元散飲之  
痢減數日後倦甚發欬逆知其久下陰虛令守前藥痢

尚未止以煉蜜與之衆欲用薑附朱謂陰虛服之必死  
待前藥力到自愈又四日欬逆止痢除

滑伯仁治二婢子七八月間同患滯下診視一婢脈鼓急  
太熱喘悶曰此婢不可療一婢脈洪大而虛軟微熱且  
小便利滑曰此婢可治即下之已而調以苦堅之劑果  
一死一愈

一婦盛暑病洞泄厥逆惡寒胃脘當心而痛自腹引脇轉  
為滯下嗔噦不食人以中暑癰亂療之益劇櫻寧生診  
其脈三部俱微短沈弱不應呼吸曰此陰寒極矣不亟  
溫之則無生理內經雖曰用熱遠熱又曰有假其氣則  
無禁也於是薑附溫劑三四進間以丹藥脈稍有力



厥逆漸退更服薑附七日諸症悉去遂以丸藥除其滯  
下而藏腑自安矣

劉宗序治一富人年三十時七月間患血痢日夜百餘度  
肚腹中疼痛醫悉用芩連阿膠粟殼之劑皆不効反增  
劇劉脉之曰脾胃受傷若用寒涼病安得愈投以四君  
子湯加乾薑附子其夕病減半旬日而愈或問其故劉  
曰病者夏月食冰水瓜菓太多致令脾胃傷冷血不行  
於四肢八脉滲入腸胃間而下吾所用附子乾薑補中  
有發散其所傷冷毒故得愈也王汝言雜著有云芩連  
為藥為痢疾必用之豈其然乎此脾胃傷冷致痢禁用  
寒涼也

傅滋治一人年近四十患下血或以痔治百方不効詢之  
因厚味所致因悟此必食積也遂以保和丸加白朮服  
之漸愈後又治數人皆驗

有人日飲酒遂成酒痢骨立不食但飲酒一二盞作痢幾  
年矣因與香茸丸一兩服遂止蓋射能治酒毒也

壺仙翁治四川高太守命婦病滯下腹痛腰脹召翁診其  
脉曰此氣血滯鬱而然當調經和氣經調氣和則痢自  
止所以知其病者切其脉沈而滯循其尺尺瀋沈滯則  
氣不和瀋則精血傷病得積鬱而強食故氣血俱傷乃  
投以四物五苓木香痛少止倍當歸經通而滯下已  
虞恒德治一人年五十夏秋間得痢疾月餘服藥而少愈



穢積已盡但糟粕不實晝夜如廁六七次兼脫肛不安  
又半月諸藥不效真以祖方用池塘中鼈一箇如法修  
事多用生薑米糲作羹入砂糖一小塊不用鹽醬熟煮  
喫一二碗三日不登廁大腸自此實矣肛門亦收而不  
脫蓋此症緣脾土受虛致肺與大腸俱失化源之所滋  
養故大腸不行收令也此母冷子虛耳鼈乃介蟲屬金  
有土性溫能補脾肺又况肺惡寒先得芥連等寒涼之  
味已多今用生薑之辛以補肺金用砂糖之甘以補脾  
土肺氣既實其大腸亦隨而實故得以行收令也  
一婦病滯下晝夜五十餘起後重下迫且妊九月衆醫率  
爲清暑散滯痛苦尤甚滑診之曰須下去滯衆以妊難

之滑曰經云有故無損亦無指也動則正產乃以消滯  
導氣丸藥進之得順利再進滯去繼以清暑利溲苦堅  
之劑病愈而孕果不動足月乃產

徐可豫治會稽老鍊植病寒疾十七日變滯下一晝夜百  
餘度他醫視疾曰元氣脫矣已而徐切脉告曰頃吾於  
西門視一劇證其脉與公等然公七日當起彼不出三  
日當殂遂投劑至期果獲平復而越三日者殂矣

汪石山治一婦病痢瘦弱久伏枕粥食入胃卽腹痛嘔吐  
必吐盡所食乃止由是粒食不下咽者四十餘日醫皆  
危之汪診曰病與脉應無慮也不勞以藥惟宜飼以米  
飲使胃常得穀氣白露節後症當獲安如期果愈



一婦人年踰五十病痢半載餘醫用四物涼血之劑及香連丸愈增胃脘腹中痛甚裏急後重下痢頻併噯氣亦或欬嗽遍身煩熱汪診之脉皆細弱而數曰此腸胃下久而虛也醫用寒涼愈助降下之令病何由安經云下者舉之虛者補之以參朮為君茯苓芍藥為臣陳皮升麻為佐甘草為使研末每服二錢清米飲調下一日二次或三次乃安

一人八月患滯下醫用調胃承氣太承氣湯下之不利汪視之面色痿黃食少無味大便不通惟後重甚痛脉皆細弱近滑右脉覺弱汪曰此氣滯非血滯也醫用硫黃利血宜其氣滯於下而愈不通矣遂令吞黃連阿膠丸

再用連子升麻白芍黃芩枳殼歸身煎服而安後用白朮人參各二兩白芍陳皮山查各一兩為末粥丸常服調理

一人年踰六十蒼古素健九月患滯下自用利藥三貼病減延至十月後重未除滯下未止診之脉皆濡散頗緩初用人參二錢歸身升麻白芍桃仁黃芪各一錢檳榔五分煎服後重已除再減桃仁檳榔加白朮錢半滯下亦定惟糞門深入寸許近後尾間穴榜内生一核如梅頗覺脹痛不爽汪曰此因氣血下滯於此耐煩數日膿潰自安果如所言後服槐角丸痔痛如故仍用人參三錢歸芪升麻等劑而愈



一人病滯下腹痛後重日夜四五十行診之脈皆濡弱近  
駛曰此熱傷血也以四物加檳榔大黃下之四五行腹  
痛稍減後重不除仍用前方除大黃服十餘貼繼吞香  
連丸獲安

吳芟山治一婦長夏患痢痛而急迫其下黃黑色諸醫以  
萬苓湯倍用枳殼黃連其患愈劇吳診其脈兩尺緊而  
瀦知寒傷榮也問其病由乃行經之時因渴飲冷水一  
碗遂得此症蓋血被冷水所凝瘀血歸於大腸熱氣所  
以墜下故用枳仁承氣湯內加馬鞭草玄胡索一服次  
早下黑血升許痛止臍清次用調脾活血之劑其患遂  
痊此蓋經凝作痢不可不察也

俞子容治王一山年六十餘因多食蟹薑毒在藏秋患大  
便膿血日夜三四十度醫率用止血之劑不効延及半  
載氣血漸弱飲食漸減肌肉漸瘦服熱藥則腹愈痛血  
愈下服涼藥則瀉注諸醫技窮俞治之遂用人參一兩  
椿白皮五錢甘草一錢半一服病減十之五二服飲食  
如常脈息平和矣

薛已治一婦人五月患痢日夜無度小腹墜痛發熱惡寒  
用六君子湯送香連丸二服漸愈仍以前湯送四神丸  
四服全愈至七月中愈嗜睡四肢不收體重節痛口  
舌乾燥飲食無味大便不實小便頻數洒淅惡寒悽慘  
不樂此脾肺之虛而陽氣塞不伸也用升陽益胃湯而



痊

少宗伯顧江東停食患痢腹脹下墜或用疏導之劑兩足腫脹飲食少體倦煩熱作渴脈洪數按之微細以六君加薑桂各二錢吳萸五味各一錢煎熟冷服之睡覺而諸症頓退再劑全退此假熱而治之以假寒也

太常邊華泉公嘔吐不食腹痛後重自用大黃等一劑腹痛益甚自汗發熱昏憤脈大用參朮各一兩炙甘草炮薑各三錢升麻一錢一服而甦又用補中益氣加炮薑一劑而愈

廷評曲汝為食後入房翌午腹痛去後似痢非痢次日下皆膿血煩熱作渴神思昏倦用四神丸一服頓減又用

八味丸料加五味吳萸骨脂肉蔻二劑全愈

通判汪天錫年六十餘患痢腹痛後重熱渴引冷飲食不進用芍藥湯內加大黃一兩四劑稍應仍用前藥大黃減半數劑而愈此等元氣百無一二

一老人素以酒乳同飲去後似痢非痢胃膈不寬用痰劑等藥不効薛思本草云酒與乳同飲為得酸則凝結得熱則行散乃以茶茗為丸時用清茶送三五丸不數服而痊

一老婦食後因怒患痢裏急後重屬脾氣下陷與太劑六君加附子煨肉蔻木香各一錢吳萸五分骨脂五味各一錢五分二劑諸症悉退惟小腹脹悶此肝氣滯於



脾也與調中益氣加附子木香五分四劑而愈後口內  
覺酸此腎水泛與六味地黃丸二劑頓愈

一婦年八十仲夏患痢腹痛作嘔不食熱渴飲湯手按腹  
痛稍止脉鼓指而有力真氣虛而邪氣實也急用人參  
五錢白朮茯苓各三錢陳皮升麻附子炙甘草各一錢  
服之睡覺索食脉症頓退再劑而安此取症不取脉也  
凡暴病毋論其脉當從其症石閣老太夫人其年歲脉  
症皆同彼乃專治其痢遂致不起

方蔭山治一小兒八歲患滯下每夜百度食久即吐乃以  
熟麩作果分作二片以一片中空之用木鼈子三箇去  
殼搗如泥加麝香三釐填入果心貼臍上外以帕繫定

用熱鞋熨之待腹中作響喉中知有香氣即思食能進  
是夜痢減大半二三日漸愈後以此法治噤口痢多驗

江篁南治吳元靜患痢腹痛用煎藥下二次又用巴豆丸  
更下二次即覺怕風不安五日後診之脉左三部俱弦  
右關浮弱而瀉症見惡風自汗肢節痛裏急後重用參  
芪歸朮枳殼檳榔砂仁山查陳皮防風甘草扁豆神曲  
芩連木香加薑一片下服遂不畏風汗止腹疼頓除後  
重亦減二服而愈

江應宿治許翰林穎陽公令叔年六十三歲患血痢三越  
月四肢面自浮腫血水淡如菟菜汁漏下不知諸藥不  
効粒米不進者五日診其脉沈細代絕即啻之曰亦脉

類聚卷四  
二十一



代絕而少陰脈久久如蛛絲至者胃中有寒濕也寒濕傷脾胃虛則不能攝血歸源而下行胃寒則不能食也投入參白朮各二錢為君茯苓澤瀉木瓜各八分為臣以補脾滲濕當歸五分和血炮薑附子為佐散寒濕甘草升麻舉下陷之元氣一匕而飲食進再飲而血減用檉根白皮人參等分為丸每空心滾水送三五十九三服而愈

嘔吐

錢仲陽治王子病嘔泄他醫以剛劑加喘焉乙曰是本中熱脾且傷燥之將不得前溲與之石膏湯王不信謝去信宿寢劇竟如言而効

滑伯仁治一婦病反胃每隔夜食飲至明日中晏皆出不消化他醫悉試以暖胃之藥罔効滑視脈在肌肉下且甚微而弱竊揆衆醫用藥於病無遠何至罔効心歎然未決一日讀東垣書謂吐證有三氣積寒也上焦吐者從於氣中焦吐者從於積下焦從於寒眩沈而遲朝食暮吐暮食朝吐小溲利大便秘為下焦吐也法當通其秘溫其寒復以中焦藥和之滑得此說遂復往視但木



便不秘專治下焦散寒以吳茱萸香為君丁桂半夏為佐服至二三十劑而飲食晏如所謂寒淫所勝平以辛熱是也

舟溪治一人年五十餘因濕氣嘔吐酸水如醋素飲酒以

二陳湯加白朮蒼朮砂仁藿香黃連二貼而安

一少年好酒每早嘔吐以瓜蒌貝母梔子炒石膏煨香附

南星神曲炒山查一兩枳實薑黃蘿蔔子連翹石礮半

兩升麻二錢半神曲糊丸服

項彥章治建康萬夫長廉君病醫投薑桂愈甚診其脉告曰此得之酒病當噦作聲食入即出而後渡不利廉曰然予生平所嗜燒酒乃進葛花解酲加黃芩飲三升所

勢減眾醫以藥性過寒交阻之項以論不協辭去嘆曰實實而虛虛過一月當入鬼錄矣果驗所以知廉病者以其脉細數而且滑數為熱滑為嘔為胃有物酒性太毒太熱而反以熱劑加之是以火濟火也且渡秘為陽結今反治故二月死也

史載之治朱思古眉州人年三十歲得疾不能食聞葷腥即嘔惟用太錫旋蕤湯沃淡飯數數食之醫莫能治史曰俗輩不讀醫經而妄欲療人之疾可嘆也君之疾正在素問經中名曰食掛凡人之肺木葉舒張而蓋下覆於脾子母氣和則進食一或有疾則肺不能舒脾之為敵故不嗜食遂授一方清氣潤肺為治服之二日病者



鼻聞肉味覺香取啖之甚美此事宋人載於傳記余考之歧黃書皆無食掛之說或記者假托耳或史公太言以欺世歟皆未可知也

虞恒德治一婦年將三十產後因食傷致胃虛不納穀四十餘日矣聞穀氣則惡心而嘔聞藥氣亦嘔求治虞曰藥不能入口又將何法以治之乎懇求不已遂用人參白朮茯苓各一分甘草二分陳皮藿香砂仁各五分炒神曲一錢十年以上陳倉米一合順流水二大盞煎沸泡伏龍肝研細攪渾放澄清取一盞加薑棗同煎煎藥至七分稍冷服此服遂納而不吐別以陳倉米煎湯時時嚥之日進前藥二三服漸能喫粥而安後以此法治

十數人悉驗

汪石人治一人年三十形瘦淡紫纒覺氣壅腹痛背脹則吐腹中氣塊翻動嘈雜數日乃吐黑水一盞盆而作酸氣吐後噎氣飲食不進過一二日方食大便二三日不通小便一日一次常時難向右卧午後怕食食則反飽脹痛行立坐卧不安日輕夜重二年後汪診之脉皆浮弦細弱曰此脾虛也脾失健運故氣鬱而脹痛吐黑水者蓋因土虛不能制水故膀胱之邪乘虛而侮其脾土經曰以不勝侮其所勝是也酸者木之所司脾土既虛水挾木勢而凌之焉醫作痰治而用二陳剛劑則脾血愈虛又作血治而用四物柔劑則是以滯益滯又作熱



治而用黃連解毒則過於苦寒又作氣治而用了沈藿香則過於香燥俱不中病遂以人參三錢黃芪二錢半歸身一錢香附陳皮神曲各七分黃芩甘草各五分吳萸三分煎服旬餘又犯油膩病作如前而尤重仍以前方加減或湯或丸散服至半年而愈

薛已治大司馬王浚川嘔吐宿滯臍腹痛甚手足俱冷脉微細用附子理中丸二服愈甚脉浮大按之而細用參附湯一劑而愈

趙吏部文卿患嘔吐不止吐出皆酸味氣口脉大於人迎二三倍速薛投劑薛曰此食滯在上宜吐不須用藥乃俟其吐清水無酸氣寸脉漸減尺脉漸復早吐止至

平脉俱平復勿藥自愈

一儒者場屋不利胃膈膨悶飲食無味服枳朮丸不時作

嘔用二陳黃連枳實痰湧氣促加紫蘇枳殼喘嗽腹脹

加痛悉屬虛寒用六君加薑桂二劑不應更加附子一

錢二劑稍退數劑十愈六七乃以八味丸全愈

一上舍嘔吐痰涎發熱作渴胃膈痞滿或用清氣化痰降

火前症益甚痰涎自出薛曰嘔吐痰涎胃氣虛寒發熱

作渴胃不生津胃膈痞滿脾氣虛弱須用參芪歸朮之

類溫補脾胃生發陽氣諸病自退渠不信仍服前藥虛

症悉至復請治薛曰飲食不入吃逆不絕泄瀉腹痛手

足逆冷是謂五虛煩熱作渴虛陽越於外也脉洪大脉



欲絕也死期迫矣或曰若然殞於日乎夜乎薛曰脉洪大殞於晝果然

薛母太宜人年六十有五春三月飲食後偶聞外言忤意嘔吐酸水內熱作渴飲食不進惟飲冷水氣口脉大無倫面色青紅此胃中濕熱鬱火投之以藥入口輒吐第三日吐酸物第七日吐酸黃水十一日吐苦水脉益洪大仍喜冷水以黃連煎湯冷飲少許至二十日加白朮茯苓至二十五日加陳皮三十七日加當歸炙甘草至六十日始進清米飲半盞漸進薄粥飲調理得愈

一婦人吞酸噯腐嘔吐痰涎面色純白或用二陳黃連枳實之類加發熱作渴肚腹脹滿薛曰此脾胃虛損未傳

寒中不信乃作火治肢體腫脹如蠱以六君加附子木香治之胃氣漸醒飲食漸進虛火歸經又以補中益氣加炮薑木香茯苓半夏兼服全愈

一婦人久患心腹疼痛每作必胃滿嘔吐厥逆面赤唇麻咽乾舌燥寒熱不時而脉洪大衆以痰火治之屢止屢作迨至春發熱頗甚用藥反劇有欲用參朮等劑或疑痛無補法薛診而嘆曰此寒涼損真之故內真寒而外假熱也且脉息弦洪有恠狀乃脾氣虧損肝脉乘之而然惟當補其胃遂與補中益氣加半夏茯苓吳萸木香一服而効

一婦人年三十餘忽不進飲食日飲清茶三五碗并少用



水菓三年矣經水過期而少薛以為脾氣鬱結用歸脾  
加吳萸不數劑而飲食如常若人脾腎虛而不飲食當  
以四神丸治之

一婦人年踰二十不進飲食二年矣日飲清茶菓品之類  
面部微黃浮腫形體如常仍能復步但體倦怠肝脾二  
脉弦浮按之微而結滯薛用六君子加木香吳萸下痰  
積甚多飲食頓進形體始瘦卧床月餘仍服六君之類  
而安

一人粥食湯藥皆吐不停灸手間使三十壯若四肢厥脉  
沈絕不至者灸之便通此起死之法出千金方

江篁南治一婦人患嘔吐粒米不入者六日矣兼頭眩胃

膈如束而不舒診其脉沈弦而駛且無力此屬中氣虛  
挾痰鬱耳以人參三錢陳皮川歸各一錢加烏藥炒人  
乳竹瀝薑汁一服膈舒如解其束二服吐止能食十劑  
而安

江應宿治一婦人年近四十小產後嘔吐不食發寒熱他  
醫作瘧治反增劇宿診之脉浮數按之無力此虛症投  
六君加薑汁炒山梔煎調木香散嘔吐止熱不退用當  
歸養血丸補中益氣而愈



噎膈

華他道見一人病噎膈食而不得下家人車載欲往就醫  
佗聞其呻吟駐馬往語之曰向來道傍有賣餅家蒜薹  
大酢從取三升飲之病當自差即如他言立吐蛇一條  
懸之車邊欲造佗佗尚未還佗家小兒戲門前迎見自  
相謂曰客車傍有物必是逢我翁也疾者前入見他壁  
此懸此蛇以十數出佗傳

齊王中子諸嬰兒小子病召臣意診切其脉告曰氣膈病  
病使人煩懣食不下時嘔沫病得之少憂數怗食飲意  
即為之作下氣湯以飲之一日氣下二日能食三日即  
病愈所以知小子病者診其脉心氣也濁躁而經也此

絡陽病也脉法曰脉來數疾去難而不一者病主在心  
周身熱脉盛者為重陽重陽者過心主故煩懣食不下  
則絡脉有過絡脉有過則血上出血上出死此悲心所  
生也病得之憂也 史記

吳廷紹為太醫令烈祖因食飽喉中噎國醫皆莫能愈廷  
紹尚未知名獨謂當進楮實湯一服疾失去群醫默識  
之他日取用皆不驗或扣之答曰噎因其起故以楮實  
湯治之 南唐書

一村夫因食新筍羹噎納間忽為一噎延及一年百藥不  
效王中陽乃以葶撥麥芽炒青皮去穰人參苦梗柴胡  
白蔻南木香高良薑半夏曲共為末每服一錢水煎熱



服次日病家來報曰病者昨已病盡自己津唾亦嚙不  
下服藥幸納之曾中沸然作聲覺有生意敢求前劑况  
數日不食特游氣未盡擬待就木今得此藥可謂還魂  
散也王遂令其搗碎米煮粥將熟即入藥再煎一沸令  
服之一吸而盡連服數劑得回生因名曰還魂散後以  
之治七情致病吐逆不定面黑目黃日漸瘦損傳為噎  
症者多驗但忌油膩魚腥粘滑等物

外臺載昔幼年經患此患每食餅及羹粥等須臾吐出正  
觀中許奉御兄弟及柴蔣等時稱名醫奉勅令治窮其  
術不能療漸至羸備危在旦夕忽一衛士云服鹽粥極  
驗日服二合後食惟吐一半晡時又服二合人定時食

粥吐即定迄至次日午時奏之太內五六人患翻胃同  
服一時俱差此粥稍有毒服時不可過多盛取及熱服  
二合病深七日以來服之良驗本事方

孫道秘傳翻胃方州軫轄苦此病危甚孫為診之數服愈  
其法用一附子去其蓋剉中使淨納丁香四十九粒復  
以蓋覆之線縛定著寶銀右器中浸以生薑自然汁及  
蓋而止慢火煮乾細末一錢匕捺舌上漱津下若煩渴  
則徐食糜粥忌油膩生冷累試累驗出類編

廣五行記治噎疾求徽中絳州有僧病噎數年臨死遺言  
令破喉視之得一物似魚而有兩頭偏體悉是肉鱗致  
鉢中跳躍不止以諸味投鉢中須臾悉為水時寺中刈



藍作靛試取少靛置鉢中此蟲遠鉢畏避須使化為水是人以靛治噎疾多效出良方

丹溪治一少年食後必吐出數口却不盡出膈上時作聲面色如平人病不在脾胃而在膈間其得病之由乃因大怒未止輒食麪故有此症想其怒甚則死血菀於上積在膈間礙氣升降津液因聚為痰為飲與血相搏而動故作聲也用二陳加香薷汁蘿蔔子二日以瓜蒂散敗醬吐之再一日又吐痰中見血一盞次日復吐見血一鍾而愈

一中年人中脘作痛食已乃吐面紫霜色兩關脈瀦乃血病也因跌仆後中脘即痛投以生新血推陳血之劑吐

血片碗許而愈

一中年婦人反胃以四物湯加帶白陳皮留尖桃仁去皮生甘草酒紅花濃煎入驢尿以防生蟲與數十貼而安一人勤勞而有艾妻且喜酒病反胃半年脈瀦不均重取大而無力便燥面白形瘦精血耗故也取新溫牛乳細飲之每次盡一杯晝夜五七次漸至八九次半月便潤月餘而安然或口乾蓋酒毒未解間飲以甘蔗汁少許一云先與六君子湯加附子大黃甘蔗汁飲之便潤乃以牛乳飲之二月而安

一人年四十病反胃二月不喜飲食或不吐或吐涎畏食出得吐則快脈瀦重取弦大因多服金石房中藥所致



時秋熱以竹瀝御米為粥二三啜而止頻與之遂不吐  
後天氣稍涼以流水煮粥少入竹瀝與之間與四物加  
陳皮益其血月餘而安

一人咽膈間常覺物閉悶飲食妨碍脉瀯稍沈形色如常  
以飲熱酒所致遂用生韭汁每服半盞日三服至二斤  
而愈

一人不能頓食喜頻食一日忽咽膈壅塞大便燥結脉瀯  
似真藏脉喜其形瘦而色紫黑病見乎冬却有生意以  
四物湯加白朮陳皮濃煎入桃仁十二粒研再沸飲之  
更多食諸般血以助藥力三十貼而和至五十貼而便  
潤七十貼而食進百貼而愈

一人食必屈曲下膈硬澁微痛脉右甚瀯而關沈左却和  
此活血在胃腕之口氣因鬱而為痰必食物所致詢其  
去臘日飲剗剗酒三盞遂以生韭汁半盞冷飲細呷之  
盡半斤而愈已上三人皆滯血致病而脉瀯應之乃噎  
膈之漸也

一人止能喫稀粥一匙即可下膈若雜喫一菜則連粥俱  
吐起若如常用涼膈散加桔梗服

虞恒德治一人年五十餘夏秋間得噎症胃腕痛食不下  
或食下良久復出大便燥結人黑瘦甚右關前脉弦滑  
而洪關後略沈小左三部俱沈弦尺帶芤此中氣不足  
木來侮土上焦濕熱鬱結成痰下焦血少故大便燥結



陰火上衝，吸門故食不下。用四物以生血，四君以補氣。二陳以祛痰，三合成劑。加薑炒黃連，枳實、括蕪仁，少加砂仁，又間服潤腸丸，或服丹溪墜痰丸。半年服煎藥百貼而全愈。

一婦年近五十，身材略瘦，小勤於女工，得膈噎症半年矣。飲食絕不進，而大便結燥不行者十數日。小腹隱隱然疼痛，六脈皆沉伏。以生樅仁七箇，令細嚼，杵生薑汁一盞送下。片時許，病者云：曾中略見寬舒。以四物六錢，加括蕪仁一錢，桃仁泥半錢，酒蒸大黃一錢，酒紅花一分，煎成止藥一盞，取新溫羊乳汁一盞，合而服之。半日後下宿糞，若干。明日腹中痛止，漸可進稀粥，而少安。後以

四物出入加減，合羊乳汁服五六十貼而安。

古朴治一人患噎，人咸意其不起。古朴視以此正合丹溪胃口乾槁之論例。五膈寬中平胃散，病在不治。若能滋陰養血，補脾開胃，加之竹瀝以瀉痰，人乳以潤燥，庶或可生。其家依法治之而愈。

汪石山治一人形瘦而蒼，年踰五十，診其脈皆弦澀而緩，尺脈浮而無根。曰：尺脈當沈，反浮所主腎水有虧。其餘脈皆弦澀而緩者，弦脈屬木，澀為血少，緩脾脈也。以脈論之，此係血液枯槁，而有肝木凌脾，非膈則噎也。問之，曾膈微有礙，曰：不又膈病成矣。病成非藥可濟，後果病膈而卒。



一人瘦長而色青性剛急年三十餘病反胃每食入良久復出又噯又嘔但不吐耳或作氣治而用丁香藿香或作痰治而用半夏南星或作寒治而用薑附俱罔効汪脉之皆緩弱稍弦曰非氣非痰亦非寒也乃肝凌脾之病經云能合色脉可以萬全君面青性急肝木盛也脉緩而弱脾土虛也遂用四君子湯加陳皮神曲少佐薑炒黃連以泄氣逆月餘愈

一人年踰六十形色紫平素過勞好飲病膈食至膈不下則就化為膿痰吐出食肉過宿吐出尚不化也初卧則氣壅不安稍久則定醫用五膈寬中散丁沈透膈湯或用四物加寒涼之劑或用二陳加耗散之劑罔効汪診

乏脉皆浮洪弦虛曰此太虛症也醫見此脉以為熱症而用涼藥則益其陰而傷其陽若以為痰為氣而用二陳香燥之劑則益耗其氣而傷其胃是以病益甚也况此病得之酒與勞酒性酷烈耗血耗氣莫此為甚又加以勞傷其胃且年踰六十血氣已衰脉見浮洪弦虛非吉兆也宜以人參三錢白朮歸身麥冬各一錢白芍八分黃連三分乾薑四分黃芩五分陳皮七分香附六分煎服五貼脉斂而膈頗寬飲食亦進

吳芟山治一婦人患宿痰嘔吐作噎膈治以陳皮海粉枳實白朮香附半夏翹愈後以清氣化痰丸常服其患不復舉矣



江應宿治一老婦近七旬患噎膈胃脘乾燥屬血虛有熱  
投五汁湯二十餘日而愈其方蘆根汁藕汁甘蔗汁牛  
羊乳生薑汁少許餘各半盞重湯煮溫不拘時徐徐服

效逆

壺仙翁治卿進士許崇志病飢逆醫以雄黃烟燻其鼻條  
然目暗熱劇甚召翁診之曰此得怒氣傷肝肝氣上逆  
而飢經云木鬱達之即投以湧齋更爲之踈肝平氣數  
服而愈所以知崇志病者切其脉左關浮而弦右寸微  
而數沉弦爲鬱微數爲熱鬱不行故病飢逆此怒氣所  
生也

有病癰亂吐利垂困忽發效逆半月間遂至危殆一醫云  
凡傷寒及久病得效逆皆惡候投藥不效者灸之愈遂  
令灸之火至肌效逆隨定元豐中壺爲郟延經略使有  
幕官張平序病傷寒已困效逆甚氣已不屬忽記灸法



試令灸之未食頃遂差其法乳下一指許正與乳相直  
骨間陷中婦人卽屈乳頭度之乳頭齊處是穴艾炷如  
小豆大灸三壯男左女右只一處火到肌卽差若不差  
則多不救矣

丹溪治一老人素厚味有久喘病作止不常新秋患痢食  
大減數日效逆作脉豁大以其形瘦可治用參朮湯下  
大補丸以補血至七日而安

一女子年踰笄性躁味厚暑月因大怒而效逆每作一聲  
則舉身跳動神昏凡三五息一作脉不可診視其形氣  
實以人參蘆二兩煎飲大吐頑痰數碗大汗昏睡一日  
而安

虞恒德治一人病傷寒陽明內實醫以補藥治之而成發  
效逆十日後召虞診其脉長而實大與大承氣湯大下  
之熱退而效亦止

一人得傷寒症七日熱退而效連聲不絕舉家徬徨召虞  
診其脉皆沈細無力人倦甚以補中益氣湯作大劑加  
炮薑附子一錢一日三貼兼與灸氣海乳根三處當日  
效止脉亦充而平安

呂元膺治一人病噦十餘日諸醫以附子丁香等劑療之  
益甚切其脉陽明大而長右口之陽數而躁因告之曰  
君之噦卽古之效逆由胃熱而致或者失察反助其熱  
誤矣飲以竹茹湯未終劑噦止



寶鑑治一人中氣本弱病傷寒八九日醫見其熱甚以涼藥下之又食梨三枚痛傷脾胃四肢冷時發昏憤脉動而中止有時自還乃結脉也心亦悸動欬逆不絕色變青黃精神減少目不欲開踏足惡入語以炙甘草生薑桂枝人參生地阿膠麥門冬麻仁大棗水煎再服而愈

吞酸吐酸

丹溪治一人因心痛久服熱藥多兼患吞酸以二陳湯加芩連白朮桃仁郁李仁澤瀉服之累湧出酸苦黑水如爛木耳者服久心痛既愈酸仍頻作有酸塊自胃膈間禁上咽候甚惡以黃連濃煎冷俟酸塊欲與數滴飲之半日許下數次而愈乃罷藥淡粥調之一月時已交春節旬餘中脘微脹急面帶青氣急喘促時天尚寒蓋脾土久病衰弱木氣行令此肝凌脾也急以索矩六和湯與之四日而安

薛已治一儒者面色痿黃胃膈不利吞酸噯腐恪服理氣化痰之藥大便不實食少體倦此脾胃虛寒用六君加



炮薑木香漸愈更兼用四神丸而元氣復此症若中氣  
虛弱者用人參理中湯或補中益氣加木香乾薑不應  
送左金丸或越鞠丸若中氣虛寒必加附子或附子理  
中湯無有不愈

一上舍飲食失宜胃腹膨脹噯氣吞酸以自知醫用二陳  
枳實黃連蒼朮栝皮之類前症益甚更加足指腫痛指  
縫出水薛用補中益氣加茯苓半夏治之而愈

**痞滿**

東垣治一貴婦八月中先因勞役飲食失節加之憂思病  
結病心腹脹滿且食則不能暮食兩脇刺痛診其脉弦  
而細至夜濁陰之氣當降而不降臍脹尤甚木抵陽主  
運化飲食勞倦損傷脾胃陽氣不能運化精微聚而不  
散故為脹滿先灸中腕乃胃之募穴引胃中生發之氣  
上行陽道又以木香順氣湯助之使濁陰之氣自此而  
降矣

滑伯仁治一人病肺氣焦滿視之曰病得之多慾善飲且  
殫營慮中積痰涎外受風邪發為喘喝痰咳不能自安  
為製清肺泄滿降火潤燥苦辛等劑而愈



一人苦胃中痞滿憤憤若怔忡狀頭目昏痛欲吐不吐忽  
忽善忘時一臂偏痺脉之關已上溜而滑按之沈而有  
力曰積飲滯痰橫於胃膈蓋得之厚味醇酒肥膩炙燻  
蓄熱而生濕濕聚而痰涎宿飲皆上甚也玉冰云上甚  
不已吐而奪之治法宜吐候春日開明如法治之以物  
探吐喉中須更大吐異色頑痰如膠飴者三四升一二  
日更吐之三四次則胃中洞爽矣

羅謙甫治真定趙客六月間乘困傷濕麪心下痞滿躁熱  
時作卧不安宿於寺中僧以大毒食藥數十丸下十餘  
行宿稍減越日困睡為盜劫其貲心動遂躁熱而渴飲  
酒一甌是夜臍腹脹痛僧再以前藥復下十餘行病加

困篤四肢無力躁熱身不停喜冷水米穀不化痢下如  
爛魚腸腦赤水相雜全不思食強食則嘔痞甚於前噫  
氣不絕足脣冷小腹不任其痛羅診脉浮數八九至按  
之空虛曰予逆流尋源蓋暑熱已傷正氣以有毒太熱  
之劑下之一下之後其所傷之物已去而無餘矣遺巴  
豆之氣流毒於腸胃間使嘔逆而不能食胃氣轉傷而  
然及下膿血無度太肉脫下皮毛枯槁脾氣弱而衰矣  
舌上赤澁口燥咽乾津液不足下多亡陰之所致也陰  
既已亡心火獨旺故心胃躁熱煩亂不安經曰獨陽不  
至獨陰不長天之由也遂辭去易一醫不審脉究原惟  
見痞滿即以枳殼丸下之病添喘滿利下不禁而死金



匱云不當下而強下之令人開腸洞泄便溺不禁而死此之謂也

虞恒德治一人年三十餘身材肥盛夏秋間因官差勞後至冬得痞滿症兩脇氣攻胃中飽悶不能卧欲成脹滿症歷數醫皆與踈通耗散之藥不效十月初旬虞診兩手關前皆浮洪而弦瀦兩關後脈皆沉伏此膈上有稠痰脾土之氣敷阜肝脾鬱而不伸當用吐法木鬱達之理也奈何值冬月降沈之令未可行此法且與豁痰踈肝氣瀉脾胃敷阜之氣用平胃散加半夏青皮茯苓川芎草龍膽香附砂仁柴胡黃連瓜蒌子等藥病退十之三四月待次年六月初旬為行倒倉法安

石山治一人年踰三十病中滿朝寬暮急屢醫不效汪診視脈浮小而弦按之無力曰此病宜補人參二錢白朮茯苓各一錢黃芩木通歸尾川芎各八分梔子陳皮各七分厚朴五分煎服且喻之曰初服略脹久則寬矣彼疑氣無補法汪曰此俗論也氣虛不補則失其健順之常痞滿無從消矣經曰塞因塞用正此病之法也服之果愈

一人長瘦體弱病左腹痛滿穀氣偏行於右不能左達飲食減大便滯汪診其脈浮緩而弱不任尋按曰此土虛木實也用人參補脾枳實泄肝佐以芍藥引金泄木輔以當歸和血潤燥加厚朴陳皮以寬脹兼川芎山梔以



散鬱服十餘貼稍寬因糞結思飲人乳汪曰祗恐大滑  
耳果然遂停乳仍服前藥每貼加人參四五錢後思香  
燥物曰脾病氣結香燥無忌也每日因食燥樵一二十  
枚炙蒸餅十數片以助藥力年餘而安

項彥章治一人病胃膈壅滿甚篤昏不知人醫者人人異  
見項以杏仁薏苡之劑灌之立甦繼以升麻黃芪桔梗  
消其脹服之踰月瘳所以知其病者以陽脈浮滑陰脈  
不足也浮為風滑為血聚始由風傷肺故結聚客於肺  
陰脈之不足則過於宜逐也諸氣本乎肺肺氣治則出  
入易蕪陳除故行其肺氣而病自已

江汝潔治程秋山夏末因腹內有滯氣醫用硝黃之類下

之遂成脹滿之症江診其脈右關舉按弦緩無力餘脈  
弦緩按之大而無力經曰諸弦為飲為勞為怒又曰緩  
而無力為氣虛又曰大而無力為血虛又曰脹滿者浮  
大則吉據脈論症則知弦為木緩為土木來侵土熱脹  
無疑也且此時太陰濕土主令少陽相火加臨濕熱太  
盛疾漸加劇急宜戒怒却厚味斷妄想待至五氣陽明  
燥金主令客氣燥金加臨疾漸減可治須大補脾土兼  
滋肺金更宜補中行濕以薏苡三錢白朮蓮肉各二錢  
人參茯苓山藥各一錢赤豆一錢半水煎熱服一服是  
夜能轉動次早即視見臍二服脹消大半  
州守王用之先因肚腹膨脹飲食少思服二陳枳實之類



小便不利大便不實咳痰腹脹用淡滲破氣之劑手足俱冷此是三陰虛寒之症用金匱腎氣丸不用而康  
一男子胃腹痞悶專服破氣之藥薛曰此血虛病也血生於脾土若服前藥脾氣弱而血愈虛矣不信用內傷藥吐血而歿

腫脹

丹溪治一人嗜酒病癰半年患脹滿脉弦而瀉重取則大手足瘦腹大如蜘蛛以參朮為君當歸芍藥川芎為臣黃連陳皮茯苓厚朴為佐生甘草些少日三次飲之嚴守戒忌一月後汗而癰愈又半月小便長而脹退  
一人年四十餘嗜酒大便見血春患脹色蒼黑而腹大形如鬼狀脉瀉而數重似弦而弱以四物加芩連朮通白朮陳皮厚朴生甘草作湯服之近一月而安  
一人因久病心痛咽酸治愈後至春中脘微脹面青氣喘意謂久病衰弱木氣凌脾以索矩三和湯而安  
一女子稟厚患胃腹脹滿自用下藥利十數行脹滿如故



脉皆大按則散而無力朱曰此表證反攻裏實死賴質厚時又在室可救但壽損矣以四物湯加參朮和白陳皮炙甘草煎服至半月後尚未退自用蘿蔔種煎浴二度又虛其表稍增事急矣前方去芍藥地黃加黃芪倍白朮太劑濃煎飲之又以參為丸吞之十日後如初病時又食難化而自利以參朮為君稍加陳皮為佐煎湯肉豆蔻訶子為臣山香為使粥丸吞之四五十貼而安一人因又癰腹脹脉微弦重取瀉皆無力與三和湯三倍木入薑汁數貼而癰愈小便利腹稍減隨又小便短此血氣兩虛於前方入人參牛膝歸身尾太劑百貼而安俞仁叔年五十患鼓脹自制禹餘糧丸服之診其脉弦瀉

而數曰此丸新製煅煉之火邪尚存溫熱之藥太多宜有加減不可徒執其方俞嘆曰今人不及古人此方不可加減服之一月口鼻見血而死

項彥章治一女腹痛脹如鼓四體骨立眾醫或以為娠為蠱為瘵也診其脉告曰此氣薄血室其父曰服芎歸輩積歲月非血藥乎曰失於順氣也夫氣道也血水也氣一息不運則血一息不行經曰氣血同出而異名故治血必先順氣俾經隧得通而後血可行乃以蘇合香丸投之三日而腰作痛曰血欲行矣急治芫硝大黃峻逐之下汚血纍如瓜者可數十枚而愈其六脉弦滑而且數弦為氣結滑為血聚實邪也故氣行而大下又一



女病名同而診異項曰此不治法當數月死向者鍾女  
脉滑爲實邪今脉虛元氣奪矣又一女子病亦同而六  
脉獨弦項曰真藏脉見法當踰月死後皆如之

茶甫李富人也啖馬肉過多腹脹醫以大黃巴豆治之增  
劇項診之寸口脉促而兩尺將絕項曰胃有新邪故脉  
促宜引之上達今反奪之誤矣急飲以湧齊且置李中  
坐使人環旋須吐宿肉仍進神芎丸大下之病去

徐希古治游擊將軍楊洪疾於口外壘滿喘甚方春木令  
王土受伐金不能制當補中氣母事疏利議不與衆合  
藥至百五十餘貼乃効遂漸平復

徐可豫治郭推府腹臃脹體弱瘠足不任身徐診脉曰病

始弗劇殆醫過耳病由怒傷肝肝傷在法當補補而元  
氣完邪必自潰醫不知此泄以苦寒劑下虛不收濁氣  
干上故愈泄病愈熾猶幸脉未至脫非緩以旬月不能  
也既投藥漸平復

虞恒德治一族兄素能飲酒年五十得腫脹病通身水腫  
腹脹尤甚小便澀而不利大便滑泄召虞治虞曰若戒  
酒色鹽醬此病可保無危不然去生漸遠兄曰自今日  
戒起予以升溪之法而以參朮爲君加利水道制肝木  
清肺金等藥十貼而小水長大便實腫退而安又半月  
有二從弟平日同飲酒者曰不飲酒者山中之鹿耳我  
與兄水中之魚也鹿可無水魚亦可以無水乎三人遂



痛飲沈醉而止次日病復作如前復求治虞曰不可為矣俟過一月而逝

一人得腫脹病亦令戒前四事用前法服藥五十貼而愈頗安五年一日嘆曰人生不食鹽醬與死等爾遂開鹽十數日後舊病大作再求治不許又欲行倒倉法虞曰脾虛之甚此法不可行於今日矣踰月膨脹而死虞用丹溪之法治腫脹愈者多矣不能盡述特書此二人不守禁忌者以為後人病此者之元龜

傅滋治一人能大食食肉必吐忽頭腫目不可開膈如築足麻至膝惡風陰器挺長脉左沈重取不應右短小却和滑令單煮白朮湯空心服探吐之後以白朮二錢麻

黃芩各五分防風三分作湯下保和丸五十九吐中得汗上截居多腫退眼開氣順食進以前方去麻黃防風加白朮三錢朮通甘草各五分下保和丸五十九五日而安

一婦素多怒因食燒肉面腫不食身倦脉沈潘左豁大此體虛有痰所隔不得下降當補虛利痰為主每早以二陳加參朮大劑與之探出痰辰時後用三和湯三倍木睡後以神祐丸七七九撓其痰一月而安

壺仙翁治瓜洲趙按察病腹脹不能食瘦遺血眾醫以為熱下以太黃之劑神之氣脫而不能寐召翁診其脉告曰病得之勞傷心血久則脾胃俱傷所以知按察之病



者切其脉時左寸沈右寸過左一倍兩關弦濇尺反盛不絕蓋煩勞不勝則逆鬱而不通不通則不能升降而作腹脹腹脹則不食肉沸而不下則關塞閉而洩且不能輸故洩遺血乃和以八補之劑兼五鬱之藥不數日而愈越三月後復作如前治立除

薛已治儒者痢後兩足浮腫胃腹脹滿小便短少用分利之劑遍身腫兼氣喘薛曰兩足浮腫脾氣下陷也胃腹脹滿脾虛作痞也小便短少肺不能生腎也身腫氣喘脾不能生肺也用補中益氣湯加附子而愈半載後因飲食勞倦兩目浮腫小便短少仍服前藥頓愈

欽天監臺官張景芳成化丁酉七月間領朝命往陝西秦

邨與平王治葬張至中途偶得腹脹之疾醫莫能療寓居卧龍寺待盡而已抵夜見龐眉一叟忽過訪自云能治此疾延視兩手脉即口授一方以杏仁陳皮海螵蛸等分爲細末佐以穀樹葉槐樹葉桃枝各七兩至翌日至于午時汲水五桶煎三四沸至星上時再煎一沸患者就浴令壯人以手湯中按摩臍之上下百數少時轉矢氣病即退矣張如其法黎明此老復至病去十之七八矣酬以禮物俱不受是夕腫脹平復此老更不復見矣或謂張景芳遇仙云 客坐新聞

象山縣村民有患水腫者咸以爲崇訊之下者卜者授以此方良効用田螺大蒜車前草和研爲膏作大餅覆於



臍上水從便旋而出數日頓愈

一人客游維陽患腹脹百藥無効反加胃嘔食減疝羸有  
一澤醫自謂能治此疾躬煎藥餌以進服之便覺爽快  
熟寐踰時溲溺滿器腫脹漸消食知其味矣因訪其方  
曰客富商也酒色過度夏多食冰浸瓜菓取涼太過脾  
氣受寒故有此證醫復用寒涼重傷胃氣是失其本也  
安能去病吾以丁香木香官桂健脾和胃肺氣下行由  
是病除無他術也若澤醫亦可謂有識鑒矣

一人病氣蠱四肢不浮惟腹膨脹木戴原禮所謂蜘蛛病  
是也進泔水之劑病轉劇時值炎暑或進以清暑益氣  
當煎藥時偶墮蜘蛛腐熟其中童子懼責潛去蜘蛛尋

以藥進病者鼻聞藥香一啜而盡少間腹中作聲反覆  
不能安枕家人疑藥之誤用然也既而溲溺斗許腹脹  
如削康健若平日矣此偶中者故志之續醫說

汪石山治一人年踰四十春間患脹醫用胃苓湯及雄黃  
傳貼法不効汪診視脉皆緩弱無力曰此氣虛中滿也  
曾通利否曰已下五六次矣曰病屬氣虛醫顧下之下  
多亡陰是謂誅罰無過也故脉緩知其氣虛重按則無  
知其陰亡陽虛陰亡藥難倚杖八月水土敗時實可慮  
也病者曰今與藥病不起耶嘗聞脹病臍突不治肚上  
青筋不治予病今無是二者可慮謂何汪曰然但久傷  
於藥故且停服言歸如期而歿



一婦形弱瘦小脉細濡近駛又一婦身中材頗肥脉緩弱無力俱病鼓脹大如箕垂如囊立則垂墜遮攔兩腿有礙步履汪視之曰腹皮寬紐已定非藥可斂也惟宜安心寡慾以保命耳後皆因產而卒或曰病患鼓脹有孕謂何汪曰氣病而血未病也產則血亦病陰陽兩虛安得不亡又一婦瘦長蒼白年五十餘鼓脹如前頗能行立不耐久遠越十餘年無恙恐由寡居血無所損故能久延

一婦年踰四十瘦長善飲診之脉皆洪滑曰可治脉訣云腹脹浮大是出厄也得濕熱太重宜遠酒色可保終吉遂以香連丸今日吞三次每服七八十九月餘良愈

人年三十餘酒色不謹腹脹如鼓醫用平胃散廣益瀆堅湯罔效汪診脉皆浮濡近駛曰此濕熱甚也痛遠酒色度或可生渠謂甚畏煎藥汪曰丸藥亦可遂以枳朮丸加厚朴黃連當歸人參荷葉燒飯丸服一月果安越三月餘不謹復診之曰無能為矣臍突長二尺餘逾月而卒夫臍突寸餘者有矣長餘一尺者亦事之異故志之

一人年三十餘病水腫面光如胞腹大如箕脚腫如槌飲食減少汪診之脉浮緩而濡兩尺尤弱曰此得之酒色宜補腎水家人駭曰水勢如此視者不曰通利則曰滲泄先生乃欲補之水不益深耶曰經云水極似土正此



病也水極者本病也似土者虛象也今用通利滲泄而治其虛象則下多亡陽滲泄耗腎是愈傷其本病而增土濕之勢矣豈知亢則害承乃制之旨乎遂令空腹服六味地黃丸再以四物湯加黃柏木通厚朴陳皮參朮煎服十餘貼腫遂減半三十貼而愈

江筆南治一富婦因夫久外不歸胃膈作脹飲食難化腹大如妊娠青筋露年五十四天癸未絕大便常去紅六脉俱沈小而駛兩寸無力與二朮參陳皮山查薏苡厚朴木香煎服七劑腹覺寬舒繼以補中除濕開鬱利水出入調理兩月而愈

乙巳初夏家君因久喘嗽痰中見血忽小溲短少小腹作

脹皮膚浮腫思經云肺潮百脉通調水道下輸膀胱又云膀胱者州都之官津液藏焉氣化則能出矣是小溲之行由於肺氣之降下而輸化也今肺受邪而上喘則失降下之令故小溲漸短以致水溢皮膚而生腫滿此則喘為本而腫為標治當清金降氣為主而行水次之以白朮麥冬陳皮枳殼蘇子茯苓黃芩桔梗猪苓澤瀉桑皮蘇梗出入數服而安

予次兒素食少五月間因多食楊梅至六月遍身面目浮腫腹亦膨脹用蒼白朮土炒為君木通赤茯苓澤瀉為臣半夏陳皮太腹皮桑白皮白芍桔梗為佐蘇梗厚朴草菓為使加薑水煎一日二服其查汁加水煎第二



服每日用紫蘇忍冬藤蘿蔔種煎水浴一次服四日腫  
 脹消十之八乃用參苓白朮散以生紫蘇煎湯調日服  
 二次小水黃加木通煎湯煎藥六貼去紫蘇加木瓜滑  
 石最後加連翹梔子八貼全愈

名醫類案卷之四終



